



QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Jovis
vigesima-nonâ Martii.



M. RENATO CHAUVEL, Doctore
Medico, Præfide.

*An Alimenta, quæ alvum laxant, ad tuendam Sanitatem
accommodatiora ?*

I.

MULTIPLICIBUS, quæ nostrum corpus componunt,
partibus indoles competit diversa. Vulgata est earum in simi-
lares & dissimilares distributio ; minis tamèn æquâ ratione,
quam usu stabilita. Quidquid sit, dùm omnes legitimis, temperic, conforma-
tione & nexu præditæ, nativo calore debitè perfusæ, proprias actiones
variè & secundùm animæ regimen exercere valent, naturalem quoquè censetur
eam obtinere constitutionem in quâ ponitur sanitas : cujus multi gradus
existunt : nec ullus esset status neuter, aut quisquam unquam ferè sanus
haberetur, si hæc in uno staret puncto. Illæ quidèm actiones in suas dividun-
tur & subdividuntur classès, sed earum velutî fundamentum est nutritio,
actio similis, simplex & communis, quæ dùm in parte quâlibet & in quâlibet
partis particulâ caloris coquentis, assimilantis & expellentis ope perfectè
editur, facilè suam reliquis integritatem communicat. Undè nam aliundè san-
guis & spiritus ad vitalem & animale actionem suppeditarentur, quàm ex
Alimento & aëre, nutritioni primò subiectis, & requisitam in eâ recipientibus
attenuationem ? Aër cum purus est tenuis & temperatus, paucâ tunc indiget
mutatione. Non ità verò Alimentum, quod cum non sit omninò simile, &
per contraria debeant expelli ea, quæ novæ formæ introductioni adver-
santur ; huic idcirco triplex potissimùm & insignis alteratio perferenda, ante-
quam in corporis abeat substantiam, *χύλωσις, αἱμάτωσις, & ἐμύωσις*. Harum quæ-
libet cum ad terminum tendit, coctio ; cum assècuta, prioris mixti corruptio,
novi tam alibilis humoris, quàm excrementitii generatio censenda. Nèc unius
vitium emendatur alterâ. Quare plurimi refert ad valetudinem eligatur
cibus, qui coquenti calori facilè cedat, abeatque primò in chylum laudabilem,

2
Vix cessurum in sanguinem, qui bene alat, calorem foveat: nec ullius humoris aut excrementi crassitie & cunctatione corpus male afficiatur.

I I.

CALORIS nativi & primigenii humoris consumptio, seu certa interitus pernicies vitari arte non potest; plus minus tamen retardatur blandiori & familiari alimento. Verum vix paucos longa minuit senecta, & sera *μείζωνος* extinguit. Plerosque omnes morbida & lethea colluvies acerbò mergit funere. Frigida quippè & crassiora Alimenta pituitam proferunt crudam & albugineam, quæ rigorem *ἀνάλπετος* excitat, & in quodam colico dolore rarissimo, Rutæ oleo educata, in ipso exitu frigida sentiuntur. Crassior item gignitur sanguis, qui ictu hominem prosternit, & *ἀναιμία* subito enecat, vel impedita diaphnòe flammatur & putrescit, febrimque synochum parit. Sanguis interdum alicubi putrescens & in pus degenerans, si consertim erumpat, animi deliquium, si per partes cor attingat, periodicam febrem exhibet. Putridum aquæ & terræ *νεκρῶν* cor impensè refrigerat, undè pulsus parvus & languidus, & impedita *ἀναιμία* rigor, donec istud nativi partium caloris contrarietate & pugnâ exandelcat. At verò crassius gluten totum corpus durum & stupidum quasi corneum & sensus experts reddit. Tertia coctionis sordidum excrementum residuum cutim obstruit & scabie fedat. A secundâ superstes serum salius, vel ex falso amarescens seu fel, si in parte inassuetâ hæserit, caloris & siccitatis excessu rodit, ulcerat, & omnino putrefacit: sic ut partis substantia deficiat. Serum spissum & phlegmaticum præter œdemata & scirrhus, durosque abscessus thecâ conclusos, qui glandulas mentiantur, etiâ calculos generat in vesicâ albos, flavos, cinereos, in renibus rubros, in pulmonibus & articulis gyphos, in cysti felleâ nigros, in corde flavos & rubros. Limus seu fæx acida sanguinis scirrhus dolentes ulcerosos & carcinodes gignit. Demùm stercorea cunctantia fumis & ichoribus anorexiam, cordis *παισμός*, cephalalgiam, & vertiginem excitant: imò mole suâ status cohibent, & interdum, non secus ac urina vesicam aut edulia ventriculū, sic intestina distendunt, ut fibræ contrahi non possint, & infra nihil exeunte homo miserè torqueatur, donec convulsus, singultiensque alvi onera per os reddat, & exanimetur. Cui hæc & alia mala contingunt? causâ satis obvia est: peccatur in Alimentorum delectu.

I I I.

DISCREPANT inter se Alimentum, medicamentum, & venenum; quòd Alimentum plus quàm agat, patiat; medicamentum plus quàm patiat, agat; & venenum denique fortius agendo viventis temperiem prorsus evertat. Alimenta vix invenies ulla quæ medicamentoſa non sint, & dum alterant ipsa quoque non alterent. Nonnulla medicamenta quid alibilis, habent, ut cassia, & manna diacrydio non adulteratum. Quædam modicè sumpta non solvunt alvum, quæ longius hausta, hypercatharsi perimunt. Quædam exigua mole alvum proritant, quæ majore lethalia sunt, ut præcipitatus hydrargyrus. Quædam scrupulosè plurimâ aquâ incocta, & in eâ percolata alvi citandæ vim relinquunt, quæ præsentissima venena sunt, ut arseni-

cum. Quædam exigua quantitate primò, mox maiore à natura superantur, ut cicuta, quam anax Attica ad manipulos usque confecit, & opium quo Turcæ familiariter utuntur ut Veneris incitamento; quòd calorem intrò cogat, & sopitis aliis sensibus, veneris vigeat. Nihil venenum est nisi actu aut frigore siceret, aut consanguineum lethi soporem, gelidumque sudorem exciter, ut dira barbatò Magistro cicuta, Mandragora alia quam Dioscordis, Aescia vel Hermocratis, opium, aconitum, & serpentum omne genus: aut spiritus exhauriat ut hypercatharticum: aut vehementius igniat instar ferri, ut escharoticum: aut siccitate acris & simul acidà rodât & perforet ut catharteticum. Multa alerent si pronam & præcipitem alvum non redderent. Multa, si coquerentur & distribuerentur profundissimo somno & validissimo exercitio, horum evictis periculosa, mox solvenda esset. Athletæ qui coliphio, carnibus suillis & bubulis vescerantur, minuebanturque si parem aliarum carnum molem sumpsissent, tauricè, sed non rectè valebant. Sic strictè, Alimenta non sunt, nisi quæ per os assumpta coquuntur, distribuuntur, & assimilantur.

I V.

INTER ea principatum obtinent quæ nec inquinamenti, nec excrementis obstructionum, tumorum, abscessuum, ulcerum, febrium, & aliorum affectuum materiam suggerunt, qualia per se & modicè alvum laxantia censeri debent: humida quippè & moderatè, vel calida, vel frigida, dulcia, insipida, vel ex acido dulcia. Calida, ut panis ex tritico & secali confectus, iuscula, jumentorum, elixæ carnes, præsertim pulli, gallinæ non ita veteris, caponis altilis, & Meleagris seu galli Africani. Frigida ut pisces molles, inter quos Lingulaca Ictyophagis probatissima; & fructus quidam æstivi vel autumnales, nimirum melones, cerasa, pruna, mala armeniaca, persica in Perside venenosa, mora maturata, uvæ duraciæ & succosæ, Ficus Athletis usitata, antequàm Pythagoras eos ad carnes transulisset, poma, & pyra, grossulæ ribes dictæ, limones, aurea mala vulgò arantia: hæc per æstatem gratissima adversus sitientem caniculam marcentium corporum solatia; mirarique subit naturæ providentiam, quòd ardente Sirio, ventis Etheis Aquilonaribus perflet aërem, & fugaces fructus suppediter. Romani siticulosi & biliosis stomachi moribus obnoxii, ut salubres æstates peragerent, nigris prandia moris finiebant, quæ ab iis erant inchoanda, bilis minuendæ & avertendæ gratiâ. Lactucis & malvis utebantur ad molliendam alvum, inuitumque sine honore blitum edebant, hoc solo quòd ipsam benè deiceret. Græci præter mælvam, olera ex oleo, garòque primis mensis assumebant, senesque suppressam Hispanicis prunis, mercuriali, brassicæ succo & therebentinâ solvebant. Tanti momenti est ad sanitatem laxare alvum, ut unum sit ex vniuersis præceptis *εὐτατὴν διατείνειν*, liquida solidis, & lubricantia astringentibus præmittantur, nisi fusior ipsa reprimenda sit.

V.

VIX quisquam tam perfectè sanus est, ut partem corporis non imbecillam habeat, cui semper prospiciendum. Hæc tamdiu in tuto erit, quandà nihil superfluet. Est quidè in homine sano clyster naturalis, fel per meatum cholydochum appellens ad *ἐκρῶν*, sed inutilis cùm duriora ciborum

onera intestina distendunt. Nec exercitatio ritè suscipi potest, antequàm alvus exoneretur, ne quid ex eâ vehementiâ caloris ad cutem evocetur in tubercula, abscessus & scabiem erupturum; verendumque ne plethoricum & cacochy-mum corpus vasis ruptura interimat, aut teniva phlegmonodes vel ulcerosa lassitudo divexet. Qui pravo utuntur alimento quo intestina, aliique ductus impediuntur, pharmaciâ ægè ferunt, quia *evacu* debent esse corpora quæ purgantur; & purgationes, ut interdùm necessariæ sunt, sic ubi frequen-tes periculum afferunt; assuescit enim non ali corpus, & ob hoc infirmum erit, cùm obnoxia omnibus morbis maximè infirmitas sit. Nec in prosperâ valetudine adversæ præsidia consumenda. Nè sanus fiducia secundæ valetudi-nis opprimatur, utatur cibus laxantibus. Dietæ leges non servanti, interdùm unâ die fluere alvum pro valetudine est, atquè etiâ pluribus, dùm febris ab-sit, vel intrâ septimum diem conquiescat; purgatur enim corpus; & quod intus læsura erat, utilitè effunditur. Sed spatium periculosum est, interdùm enim tormina & febriculas excitat, virésque consumit: interdùm etiam eve-nit ut id pluribus diebus neglectum, curari difficillimum sit. Cæterum aliquid consuetudini, tempori, regioni, & ætati concedendum, cùm deterior ali-quandò, sed suavior cibus, insuaviori, licèt meliori præferendus sit. At nec morbum unquàm tutius præcavere, nec sanitati consulere melius poteris, quàm si utaris Alimentis, quibus alvus reddatur libera.

Ergò Alimenta, quæ alvum laxant, ad tuendam Sanitatem accommodatiora.

Asserebat Parisiis JOANNES-MARIA BERTHOD, Parisinus,
Baccalaureus Medicus. A. R. S. H. 1693.

P A R I S I I S,

Apud Franciscum Muguet, Regis, & Scholæ Medicæ
Typographum.